

Regio, & unde
dicta.

Situs.

Cæli temperies,
Soli qualitas.

Imperium ma-
jorum.

Bohemia, Boemia, vel Boiemia, ut nonnullis placet, a Silva Hercynia nomen traxit. Nam Germanis *Baum*, Belgis *Boom*, arborem sonat: Græcis *Bamia*, & Incolæ Ptol. *Bami*, Strab. lib. vii *Kolduli* vocantur. Alii a Bojis nomen habere volunt, qui eo migrarunt, qui & ipsi a *Bois* i. Ligno dicti videntur. Ptolemaeus lib. i cap. xi in Germaniæ descriptione sub Silva Hercynia ponit *Bamos* gentem magnam, usq; ad Danubium: Strab. dicitur *Bubiemium*: sic enim legunt Rhenanus, Aventinus & alij: in Græcis tamen excusis exemplaribus *Βυλαμουν* habetur; sed hanc lectionem Rhenanus depravatam censet: & in vetustis libris *Βυλαμουν* legi adnotavit Casaubonus. Tacitus *Boiemū* vocat. Eius fines ab Ortū Solis ad ^{Moravia} Marcomannos & ^{Boia} Quados; ab Occasu ad Noricos protenduntur. Meridionalem eius plagam Pannonia Superior, nunc Austria dicta, occupat, sicut Saxonia & Misnia Septentrionalem. Vniuersam Hercynia Silva perpetuo ambitu cingit, clauditque undique ad Amphitheatri faciem. Vnde æqua ei fere Longitudo atque Latitudo, atque utraque paullo amplius ducentis mill. pass. extenditur. Aere, quod perpetuis Aquilonis flatibus exposita sit regio, durior ac frigidior, nec tamen insalubri fruitur. Ipsum vero solum adeo Frugum Hordei, ac Tritici ferax & copiosum est, ut & has vicinis quoque regionibus large suppeditet. Vina tamen parcius exhibet & quæ ibi nata sunt, austera & paullo acidiora. Crocum ē contrario succo, odore, colore optimum mittit. Aromaticarum rerum Pharmaceuticæ inservientium ditissima regio est: Olei tamen quemadmodum reliqua Germania, sterilis. Iam illa rara, ac protus beata telluris dos, quod ex venis eius tanta uberrate Argentum adfluit, ut, vix alia Mtealla intra venas Terra abdat. Primariæ Fodinæ sunt in agris *Cromelaw*, *Budeversz*, & *Kuttenberg*. Aurum tamen quibusdam locis effoditur, cuius frusta decem pondo Regi aliquando allata memorantur. In Opido *Beraun*, etiam Ferri Fodinæ sunt. Nec desunt alibi Stannum, Plumbum, *Æs*. Ostentatque præterea Carbunculum, Calaim, Amethystum, ex cotibus suis metallicis abruptum. Ferarum etiam ingentem alit copiam, ob Silvarum frequentiam, quæ Vulpium, Vrsorum, Cervorum, ac Urorum seu Bubalorum (quos *Lomi* ipsi sua lingua vocitant) assiduam venationem præbent. De hac autem fera *Lomi* perhibent, quod in venatione vesicam (quam largam infra mandibulam in collo pensilem habet) aqua calidissima dum Canes insequentes fugit, impleat, eoque hac, dum potestas datur, inspergat; qua quicquid tactum fuerit, aduritur, non secus ac si ferventi aquæ fuisset immersum, ut & pilos & cutem absumat. Regimen huius Regionis primo sub Duce, Primus Dux fuit *Zechus* qui ē Croatia emigrans Bohemicæ gentis fundavit primordia. Huic successisse dicuntur *Crocus*, *Labusa* Filia cum Marito *Primislao*, *Ninislau*, *Mnata* Nepos *Vrislau* Filius *Mnate*, *Necla*, *Nodericus*, *Borsin*. Sub hoc Christianismus suscepit Bohemia anno nongentesimo a partu Virginis, tempore Arnulphi Imperatoris. Anno vero Domini Millesimo Octuagesimo sexto Bohemia in Regnum evecta est: & in Concilio Maguntino *Vratislau* i Rex ab Henrico iv Cæsare creatus, & *Gilbertus* Trevirorum Episcopus Pragam missus qui coram populo Regem inungeret, regalibusque insignibus convestiret,

Vxor